


transcript

re. & Corpus
ins, cum
Eua p
In f. Epib.
om. Equ
om. Equ
com.



~~Dec 22 1800~~
~~1800~~
~~1800~~

10 / 150 / 150

50
50

Eusynanthus
und nicht fort-
gesetzt

C. XVII. 23



Faint, illegible text or markings, possibly bleed-through from the reverse side of the page.

Faint, illegible text or markings, possibly bleed-through from the reverse side of the page.

FLORES EX

VIRIDARIO PALLADIS JAGELLONICÆ
IN

Coronamentum Temporum
XI. VV. DD. PRIMÆ LAVREÆ CANDIDATORVM
Post rigidum examinis certamen
DECERTI
ET DUM

Clarissimo ac Excellentissimo Domino.

D.M. STANISLAO
KUTLINOWSKI,

Philosophiæ Doctore, ejusdemq; in Collegio Minori Brzezni-
ciano Professore, Contubernij Jagelloniani Seniore.

Artium Liberalium & Philosophiæ
BACCALAUREI

In Augusto D. Jagellonis Archilycæo.

Præsente Magnorum Hospitum Coronâ.

Ritu Solenni

RENUNTIARENTUR.

PER

FRANCISCUM de Paula KIELAROWICZ Crac.

Ejusdem Laureæ Candidatum.

Metricô Calamo

ADUMBRATI.

Annò quò

Flos Nazarenus Orbì apparuit. 1722. Die 11. Aprilis.

CRACOVIAE. Typis UNIVERSITATIS

**In Stemma Illustrissimum
PER AUGUSTI CAPITULI
Cathedralis Cracoviensis.**



Nullus sustentat trinas cervice Coronas
Atlas; nam fertur Lechicus Orbis eis.
Stemmata resplendent diademata nonq; Tiaræ
Ut tutè, Reges dicere quisq; queat
Prælatos. Quorum plantis cum germine flores
Subijcimus, fertis quod precor inde decus!

ILLVSTRISSIMIS,
PERILLVSTREBVS,
&
REVERENDISSIMIS DNIS
D.D. PRÆLATIS
&
CANONICIS,
TOTIQ; PERAUGUSTO
CAPITULO
Ecclesiæ Cathedralis Cracoviensis,
DOMINIS & PATRONIS
Observandissimis.



T exili operi meo altum inveniam, ut
floribus vigorem decoremq; conquiram,
non aliò me recipere debebam, quàm ad
honoris Vestri fastigium. ILLVSTRIS
SIMI, PERILLVSTRES & REVE-
RENDISSIMI DOMINI Quid-
quid etenim vestris approximat gratijs,
illud culmine coronatis, & quod se ve-
stro subijcit favori, illud attollitis. Corona alijs in voto, Vobis in
manibus; indicant eorum intentum semper coronari, qui Corona-
tum trinò Nitore VAVELLVM venerantur. Non Romanum

nos allicit Capitolium, quod quamvis suis superbiat triumphis,
 cedit Sarmatico; in quo & magna Regum Præfulumq; asser-
 vantur Exuvia; & viva virtutum spectantur simulacra.
 Vos inquam in hac Augusta Poloni Orbis summitate videre
 licet & alto sanguine conspicuos, & meritis maximos. Sublimes
 ILLVSTRISSIMARVM FAMILIARVM Arbores per Or-
 bis Lechei spatia protensa singula ad Coronatum hoc Culmen
 suos exporrigunt ramos. Decus suum reputant accrescere VA-
 VELLO Vestris CORONIS submittere fastigium pro sui
 ducunt puncto honoris. Neq; alibi pulchrius renitent Ma-
 gnarum PROSAPIARVM Insignia, quam si in hoc Augusto
 Culmine appensa videantur. Hic ROSARVM recreat odor,
 color rarò terris spectatus purpurissò, intuentium oculos rapit
 in stuporem. ASCIA sui honoris Architecta, laboribus &
 operibus expolita refulget. HASTÆ fortibus concessæ Viris
 pro Aris decertantes, GRYPHVS non jam aurum, sed illò pretio-
 siorem custodit Libertatem. CAPVT aurò melius suò &
 Majorum pretiò resplendet. FALCIBVS messis gloria de-
 metitur, & in Annosa Meritorum QVERCV spolia fama re-
 ponuntur. Si altius rerum scrutator attollatur oculus, etiam
 Calum suum habet VAVELLVS. Inter tot lucidissima Sar-
 matici Orbis sidera non postremum Luminare LVNA, ve-
 lut inter ignes fulget minores; plenitudine Meritorum Patri-
 am, & Ecclesiam adaugens. Quod si per plura circumferetur
 penna: hic AGNI resplendentem innocentiam, aureum vel-
 lus publico Commodo referentem observabit. Hic in SCVTO
 Virtutum & Meritorum exaratas imagines singulas distinctim
 videre, TVBARVM resonantiam circumscribere, profun-
 dum FLVVIORVM metiri, surgentem ad Æthera cerne-
 re SAGITTAM, gloriosa PEDIS numerare vestigia, ar-
 duum. CORVOS in alto meritorum consistentes attinge-
 re perdifficile. Tantos VAVELLI Coronati auget splendore
 dores CRVX, quæ ut frontes, ita fortes decorantur. Pro-
 dit magnanimus LEO ipsis æmulus Astris, Irruit titulis gene-
 rosus avitiis eques, qui dum ferit ungulâ Campum, ipse cur-
 sus illi addit decorem. Hic solida fama & perennaturæ gloria,
 vestigia imprimit SOLEA. Quæ decora sequi pennâ cate-

rorumq; Armorum robur & splendorem exprimere magna mo-
lis Opus est, mentisq; elevatioris capacitas. Hoc attamen glo-
ria Vestra punctum tangere mihi conceditur, quod & Lucina
& Minervæ locum VAVELLVM advertam contemplerq;
ILLVSTRISSIMO etenim Generi Vestro, formam ad-
ditis, Celsissimo sanguini candorem immiscetis. Gemmas cer-
tè CORONÆ Vestræ non excludunt immò quas Atlanticus lā-
bor frontibus expressit, has Ternioni CORONARVM ducitis
inferendas. Quis enim non videt? quos pro Nomine labores,
pro Aris curas, pro Sacris onera non suffertis. De Coronato
Colle futura prospicitis, presentia mala avertitis. Etiam cru-
cem sollicitudinum CORONIS his superimponitis, dum pu-
blica negotia anxio conatu ad optatum deducitis finem. Hinc
merito in Saxeo quamvis culmine PRÆLATORVM frontibus
enascuntur Tiara; manibus efformatur Pedum. Assurgit immò
major in dies honor ijs, qui in VAVELLI arduo positi,
nonnisi ad maxima possunt aspirare. Ille equidem recessus Va-
vellanus apex censetur, in quo Augusta honoris majestas sa-
cri decoris insignia dispensat distribuit. Nemo ad trinum preti-
um non premiatus, nullius spes ad Diademata non Coronata.
Quisq; sibi in comitem adscrivit honorem, qui pedem fixerat in
vavello. Quisq; sociam eminentiam provocavit, qui hoc in
culmine stare didicit. Quò etenim ab hoc alto processus! nisi
in curules; quod Capitis reclinatorium? nisi Tiara, tam Va-
vello connexa quam lumen Soli, Virtuti cultus, honoris adora-
tio. Quinimo contingit aliquandò Principem siderum caligino-
sâ eclipssi involvi, at VAVELLVM titulis destitui, nun-
quam visum, comperiumq;. Ad radicem quippè Montis hu-
jus oculos convertendum est è quo honoris lymphe si in dies hau-
riantur, non deficiunt, si poscantur in horas affatim se commu-
nicant pretenduntibus. Hoc honoris Vestri Culmen honorifico in-
nititur fundamento, in quo quidquid stetit, stetit eminenter,
quidquid fundari cupijt, fundatum honorificè. Et meritò talis
ac tantus Virtutibus Vestris contigit honor, qua uti solidissima,
fundamentalem locum poscunt ac prætendunt. Iuste Generis
ILLVSTRISSIMI splendor in hoc repercutitur Colle, nec
ab equi orbita, quò tot Caput Sapiencia in VAVELLO
A2
sibi

sibi adem construxerit honorificam. Ad hanc igitur cum floribus è Palladis Iagellonica Vireto decerptis recurrit Clientalis promptitudo. Hic ostium pulsat, ut florilegio huic favores vestros gratiasq; acclinetis, Benigniores favonij certè à Montium collibus profiliunt, adsint & nostris floribus à VAVELLO. Immaturi sunt, quia nova Palladis plantatio, sed spiramine gratiarum Vestrarum maturescunt. Vix folia eruditionis indicunt, sed ornabuntur sub Nomine Vestro in lucem publicam prodeuntes. Quis violas aut lilia flores hos non censebit? quos honoris Vestri lumine profundetis. Quis primas laureas nobis non adscribet? qui sub Magno Nomine Vestro incipimus strictius Academica Palladi militare. Non procul abest, ut profectus literarij Capitolium conscendamus, si votis nostris acclinem VAVELLVM advertemus. Submittimus florum nostrorum fasciculos, laureati honoris messem eò relaturi majorem, quò in adorationem tantorum Nominum existimus proniores. Frontium nostrarum decus PERAVGVSTO adscribimus CAPITVLO, ne evanidum nitorem in capite ferre videamur. Quinimo molimen meum coronari faustiori volens evenit, Trinæ CORONÆ decus mihi exopto propitium. Aureum addetis pondus, gemmeum feretis valorem, adamantinam Operi concedetis astimationem, si Poëtico concentui aures, Lucubrationi oculos, operæ benevolentiam. non negabitis; clientali voto annis, honore, gloriâ, quàm diutissimè Ecclesiæ ac Patriæ vigentes. Ita precatur

ILLUSTRISSIMARUM, PERILLUSTRIUM & REVERENDISSIMARUM DOMINATIONUM VESTRARUM

Clientis devotissimus

Author Operis.

D. JOANNI CANTIO,

Sacrae Theologiae DOCTORI & Professori
Scientiarum Oraculo

ORBIS POLONI PATRONO.

Academiae Cracoviensis Patriarchæ,

Gratiarum Fonti

ODE VOTIVA.

Cum Lemate.

Spirabunt floribus ara.

Gemma Doctorum pretiosa, Gentis
Lecheæ magnum decus & Patrone,
Præstò nunc adsis propriæ cohorti;

Ecce Quæ Tibi supplex,
Ad Sacrum bustum dicat eruditæ
Palladis flores nitidos amore,
Expetens multîs precibûs, prehendas

Fronte serenâ.
Et quod ex grandi tulimus Minervæ
Prælio, laurus virides ferendo,

Hoc Tuis plantis damus en Paternis.

DIVE JOANNES.

in decem Beuch al

Pal-

Palmâ Tu Cæli revirens perennis,
Semper æstatem placidam tenendo
Explicas pulchrè viridem colorem,
Dum satiaris,

Solis aspectu Themidem juvantis,
Aureis semper frueris minutis,
Sentiens nunquam Boream potentem
Frigore sævô.

Fundis in Lechi pluviam favorum
Agmen, ex Sancto Cinerum sepulchro,
Omnibus gratum tribuens odorem
Tempore quôvis.

Cælitus spargas petimus nitorem,
Flosculos nostros faciens olentes;
Insuper Musam tueare gratus,
Sancte Patrone.

Immemor non sis Cræcij Vireti,
Cujus Arbutum redolens fuisti;
Illud ad præsens madefac benignò
Rore Polorum.

Dulce decretum fuerat Sabæis,
Ad sacros Phæbi reditus nitentis
Flexa per quadrum viridante lauru
Nectere ferta.

Dum pari cultu nequeamus ista
Exequi, flores Tibi dedicamus,
Ex quibus possit fieri corona;
In decus Almun.

Illustribus, Clarissimis, & Admodum Reverendis Dominis,
DD. EXAMINATORIBUS.

Clarissimo & Excellentissimo Domino,
D. M. STANISLAO FILIPOWITZ,
Philosophiæ DOCTORI, ejusdemq; Regio, & Ordinario Mâ-
theseos PROFESSORI, Collegæ Majori, Geometriæ jurato,
ac interea Philosophicæ Facultatis

D E C A N O.

Illustri Clarissimo, & Admodum Reverendo Domino,
D. M. MATTHÆO JOSEPHO
K O L E N D O W I C,
Philosophiæ DOCTORI, ejusdemq; Regio & Tylicianæ
Eloquentiæ PROFESSORI, Collegæ Majori, Ecclesiæ Col-
legiatæ S. ANNÆ Archidiacono.

Clarissimo & Excellentissimo Domino,
D. M. STANISLAO KUTLINOWSKI,
Philosophiæ DOCTORI, ejusdemq; in Collegio Minori, Brze-
zniciano PROFESSORI, Contubernij Iagelloniani SENIORI.

In vim observantiæ & gratitudinis;
Author Operis consecrat flores, ex Semiramidis
horto, varij generis.

Cum Lammate.

Vos collecta tenete.

A Pollo Præses Bæotij jugi,
Jovis supremi progenies Dei,
Dux alme Musarum cohortis,
Arripias properans sonantem.
Lyram. Ciendo Castalides Tuas
Gratas Sorores Mnemosynes genus,
Dic ut citò plectrum resumant,
Ad sonitus celebres canendos.

Edatis omnes dulcia cantica,
Echoq; Thulen tendat in ultimam,
Quod Ternio noster Virorum
Belligerans retulit trophæa.
Ex hoste Stoæ Palladis inclytæ,
En purpuratus FILIPO WITZ adest,
Ductor Sophorum primus audax,
Alter Aristoteles probatus.

Hic per profundas Oceani means
Lymphas Sophiæ, pergit ad Insulam;
Classemq; nostram liberando,
Effugit omne maris periculum.

Pinus virescit suapte Lubranscia
Plantata Posnæ, plena saporibus
STANISLAI perfusa rore
Verticibus petit alta Cæli.

Insignis hic laus, Astronomum & decus,
Dici meretur, tum jubat inclytum,
Hunc non latet virtus Polorum,
Quid tribuant adimantve terris.

Tandem Probator mentis acuminum
Nostræ peritus ferre quid audeat,
Quot verba fudit promeretur,
Tot diademata construenda.

Non cedit illi fortior Hercules,
Pindi coruscans Stella KOLENDOWIC,
Ornans togatorum coronam,
Eloquio velut igne clarus.

Orator almo flumine præpotens,
Scholæq; splendor dogmata pervia;
Industriæ mentis recessu,

Irradians rutilansq; docto.

Donabat olim fortibus & bonis

Cæsar coronas fidereas velut;

Ut laureatum pignus esset,

Flammigerum referendo Cælum.

Daremus & nos temporibus Tuis
Centum coronas, mille vel aureas,
Solut nisi Tu respuisses,
Despiciens tumidum omne fastu.
Tingatur ergò purpura bajulo
Dorso merenti, multa per ardua;
Ut Te Ducem gratè sophorum
Doctiloquum veneremur omnes.
Consurge grata extollere laudibus
Jam KUTLINOWSKI Musa Stanislaum,
Nostrum Caput lauru virenti
Qui redimit, tribuens honorem.
Vilescit omnis laudis adorea,
Quæ STANISLAUM clarificare vult,
Deprædicando nomen alium,
Et variò modulò canendo.
Quot docta movit prælia cum sophis,
Trophæa semper multa tulit bona :
Edisserens quævis acutè;
Ac etiam Themidi scienter.
Divisa quare Membra STANISLAI,
(Ut Priscus adfert Historiographus)
Ejus Patroni singularis,
Amplificent bona multa eidem.
Laurus virescens circumbeat caput,
Nostris coronas frontibus addidit,
Qui nos decoravit novellâ;
Præficiens studijs honestis.
Ergo beati vivite Nestores,
Per longa terni ducite sæcula,
Fortuna ridens commoretur,
Mancipium peragens apud Vos.
Flores benigna fronte prendite,
Semiramis quos crediderat solo;
Et qui corymbis nos beatis,
Laurea Vos faciat perennes.

FLORES

EX

Viridario Palladis Jagellonicæ,

IN

CORONAMENTUM TEMPORUM,

XI. VV. DD. PRIMÆ LAURÆ
CANDIDATORUM,

Post rigidum examinis certamen

DECEPTI

I. V. D. JOANNI JOSEPHO

De Paczofski

PACZOSKI,

Rosa purpurea dedicatur.

Cum Lemmate.

Candorem purpura servat.

MOs erat antiquis priscò deductus ab ævo,
Heroas, palmam qui victo ex hoste referrent,
Floribus ex varijs nexò decuisse revinctos
Sertò. Te vidi strenuum præclare IOANNES,
Ex debellato capitali Palladis hoste
Magnas exuvias referentem non sine laude,
Te genus ac nomen reddit cum sanguine clarum;
Clarius ast probitas extollit culmen in illud,
Quod spectat graviter præcellæ mentis acumen.
Quare purpureò Proavùm qui insignis honore
Effulges, flores, cum tantis suscipe votis,
Sors adversa ruat, passu curratq; secundò
Prosper successus conjunctus Nestoris annis;
Ambiat omnis honor Te celsus Musa precatur.

II. V. D. S T A N I S L A O

In Łazy

D U N C Z E W S K I,

Narcissus albi coloris, suave olens offertur.

Cum Lemmate.

Svavis odore micat.

Narcissum tribuens effero laudibus,
D U N C Z E W S K I Tibi comparans
Hunc florem niveum; qui prorsus eminet
Longè pulchrius altera
Sic virtute micat, germine nobilis
Inter nos; Viridarium
Is valde decorat, Tu Cracium Polum:
Is formam nitidam tenet.
Tu verò remanes pectore candidus
Insignis S O L E A Domus;
Quam magnò Studio cultius expolis:
Iam Te tollere versibus
Cessans, vota fero, prosper odore sis,
Quò cunctos repleas olens.

IV. V. D. S T A N I S L A O M A Y K I E W I C Z,

Rosa alba consecratur.

Cum Lemmate.

Candida candidis.

Flores cum niteant sublimi Palladis horto,
Tu quoq; MAYKIEWICZ lumina sparge Tua.
Aspice qualesnam? redolens Rosa spargat odores,
Cunctaq; quâ surgunt florida parte vide.
Mentes Æthereas testor, Citharamq; sonantem
Te studio Pythium Conciliâsse Deum,
Nam quoties doctos video fluxisse liquores
Ore Tuo, toties dulcia mella puto,
Grande Tuae pretium, mansuraq; gloria Musæ,
Exsuperat citharæ, fila remissa meæ.
Compono solum grato de pectore vota,
Tempore felici candidus emineas.

Cz

IV.

V. V.D. JOANNI CASIMIRO
AUGUSTYNOWICZ,

Hyacinthus maximâ fragrantia plenus donatur.

Cum Epigraphe.

Pulchrum post vulnera nomen.

P*ulchra defacto datur en canendi
Forma, sublimis methodusq; rerum,
Te celebrandi nitide resurgens,*

Alme IOANNES.

*Nomen Augustum tribuit canoram
Echonem carmen referunt Parentes;
Immo si Verbum premerent Camana,
Vox resonaret.*

*Te inclytum magni Genus OCHABOWIC
Sanguis & nomen decorat perenne;
Quem sui Musa columen fuisse
Grande revolvunt.*

*Aedium Matris decus hic MARIE
Amplians ANNÆ Benefactor ingens,
Quas nisi sortes habuit, Sacratas
Fudit in Aedes.*

*Ergo Tu germen sobolesq; Vera
Tam Viri magni celebrisq; Musis,
Quam proba virtute micas, tam honore
Esto resurgens.*

VI. V. D. IACOBO JOANNI
CHROSTKIEWICZ,

Narcissum flavi coloris Author Operis offert;

Cum Lemmate.

Odorato germine ridet.

L*audando flores Musa Academici;
Pulchros vireti mittere non valet
Te Magne CHROSTKIEWICZ IACOBE
Delicium choreæ Camanum.
Haud namq; possum non fieri memor,
Tui favoris, quem tribuis mihi,
Et porrigebas in lycæo,
Cum fueras socius laborum.*

Cedit Sophiae laurea nunc Tibi
Novella, totò pectore gratulor:
Immunis ut sis apprecando
A vario minitante fato.
Præses supremus, frondifera scholæ
Sceptriger Doctor, cujus eras cliens;
Hic indolem spectando celsam
Te statuit redimire lauru.
Quare votemus; Te faciant Dij
Feliciorum vincere Nestora
Possis ut annis, ac honore
Tempus in omne Tuum beatus.

VII. V. D. ADALBERTO MAICHROWSKI,

Rosmarinum dicatur quod virides germinat frondes.

Cum Lemmate.

Gratus ocellis.

Campi Roma potens floribus insiti,
Cum gaudens vario munere Chloridis
lactaret, nimirum Rosmaris huic erat
Summo delictio, cingere quò bene
Clara ac magna Virtutem tempora sueverat
Hinc cum manibus talem ego MAICHROVI,
Florem dono Tibi, suscipe quem libens:
Hic gratus manibus, gratus & omnium
Floret sic oculis, ut nitidus manes:
Tu Virtutis amans, quæ superum choro
Grata est. Ingenio cum meritis potens.
Ergo Temporibus convenit iste flos,
Sudoris madidi largiferis Tuis,
Plausus inde meos, votaq; colligo;
Optans fausta Tibi pectore candido.

VIII. V. D. CASIMIRO BRZEZINSKI,

Pæonia pro munere datur.

Cum Lemmate.

Cum spinis rosa fuisset.

D

Et

E T si florigerò sit celebris rosa
 Hortò, non tamen unicè;
 Et flos Pæonius tale decus tenet,
 Quò pulchrè viget eminens.
 Ejusdem pretij est, non careat modò
 Spinis, ut Rosa germinans.
 Quem Tu suscipias gratò animò precor
 BRZEZINSKI, decus in Stoa.
 Nostrum; qui petimus sarta virentia,
 Docti munera Apollinis.
 Consecrare Tibi candida Lilia
 Deberem; ut potè nomine!
 Gaudes liligero, candidus omnibus
 Hinc sis muneribus precor.
 Qui virtute rosas pulchrius explicas,
 Vivas clarus honoribus.

IX. V. D. JACOBO MALECKI,
 Violæ donantur.

Cum Epigraphe.

Veris munuscula pulchra.

Molles ut Viola crescentes vere novellò,
 Præcurrunt flores, veris, odore alios.
 Etsi sint minima, decus ingens surgit ab illis;
 Sic Tu MALECKI delictum populi,
 Palladij, quamvis Tibi sensus ima placerent.
 Esse tamen summus diceris ingenio,
 In rigido nostrum certamine clarus acutè.
 Respondens fueras, dogmata digna Sophum
 Magnis ergo parem meritis conferre Coronam
 Certant, interea sufficiant Viola.
 Parce quod minimos flores Tibi munere reddam,
 His etenim gaudent tempora verna modò.
 Floribus ut vigeant, his fundo pectore vota,
 De Te semper honor certet ubiq; precor.

X. V. D. MICHAELI PLASZKOWSKI,
 Rosa crocei coloris offertur.

Cum Lemmate.

Purpureo suppar colorè

Collibus septem redimata Roma
 Consules bellis habuit potentes;
 Tullius quorum numero manebat
 Præsidium Urbis;
 Eminens Hortensius, arte fandi,
 Quemve facundò roseam loquelam
 Explicant fasti memores, fuisse
 Ore tenentem.
 Artium quondam bona valla Athenæ,
 Græciæ magnum decus, & Platonis
 Porticus, jactant Periclem loquentem
 Panè tonâsse.
 Si modò vellent celebrare laude
 Te coruscantem probitate cellâ
 Præsto PŁASZKOWSKI, Tibi cogerentur
 Quærere lingvas.
 Amplius quare sino promovere
 Jam Tuas dotes, nisi vota promo.
 Vive longævus, superesq; multa
 Sæcula faustus.

XI. V. D. THEODORO KWITNICKI,

Lilium Convallium Author Operis dicat.

Cum Epigraphe.
 Sabæum miscet odorem.

Non fastu tumeant felicia rura sabæa,
 Quod totum Mundum thuri honore beent;
 Ast & Sarmaticus Campus convallia profert,
 Quorum flos nares pulcher odore replet;
 Hunc ego KWITNICKI decerpeum Palladiæ hortæ
 Florem gemmantem largior ecce Tibi.
 Novi Te pariter cultâ Virtute nitere
 Ac cognomento, cum Artibus ingenio.
 Ingenio pollens rerum cognoscere causas
 Gnarus, scrutando sidera quid tribuant;
 Influxu Terris, illorum quis sit & Ortus;
 Quæ facies Cæli munera quæ dat humus?
 Ergo compono de claro nomine votum,
 Longævus vigeas prospera cuncta tenens.

III. V. D. FRANCISCO de Paula
 KIELAROWICZ,

Author Operis, ejusdem Laureæ Candidato,
 In signum Amoris & gratitudinis.

JACOBUS JOANNES
CHROSTKIEWICZ,


Ejusdem Laureæ Candidatus.
Ad avita Lilia fasciculum liliorum adjungit.

Cum Lemmate.

Flores floribus addo.

Saturni Soboles, Alma soror Jovis
Juno; visceribus quando tumentibus,
Artus Herculeos impavidos alit;
Reddit lacte suo lilia candida
Quæ jungi Patrio KIELAROVITuo
Iuste non dubites, Musa canit mea:
Regum quæ Capiti dat diademata,
Urbis Craciacæ, manibus inclytis,
A dignis Patribus Tu veniens Nepos,
Quæ florum remanent Lilia Principes,
Anobis referas, pectoribus damus.
Pulchro flore Tui nobilis ingenij,
Ætas digna manet, crescere quæ ferè
Vix primùm juvenis conspiceris, Tuus
Annis Major ades: spem facis inclytam
Quam non herba tenet verna reconditam;
De Te; sed probitas ingenium Tui
Maturum reteggit, Cracio Apollini:
Facundus quoties fundis ab oribus
Svadæ dulcisonæ verba Demosthenes
Alter, cùm roseus cerneris omnibus;
Hyblæisq; favisnectere carmina.
Quam gnarus fueris! conijcimus bene;
Flores distribuis, nos quoq; floribus
Quos pulchrè retines Stemmate Patrio;
Flores adserimus munere pro Tuo,
Gratò vota damus pectore candida:
Sub lauru viridi sæcula Nestoris
Longævus Patriæ dulce solatium
Crescendo vigeas, prosper honoribus.

Permissu Magnifici Domini
RECTORIS.



74.
III. P.
XVI. 23



624044 Bibliotheca 120006.
P.P. Camaldulensium in Bielany

Depozyt w Bibliotece Jagiellońskiej



06956

E. XVI. 23



624044 Bibliotheca 120006.
P.P. Camaldulensium in Bielany

Depozyt w Bibliotece Jagiellońskiej



06956

sumos djo
com. & prae.

Lect. 1. Noct. de
fer. Due Miss. C.
com. prae. & fer.

M A J U S.

17 Sabb. Monica Vid. &c. Vesp. de sequ. com.
Domin. & prae.

18 Domin. 5. post Pasch. Erii Reg. Mart. dupl.
9. lect. & com. Domin. CR. Credo dic. Vesp.
Cap. de sequ. com. prae. item Domin. &
S. ent. Virg.

J U N I U S.

19 v. Octava SS. Corporis Chr. In Vesp. com.
sequ. & S. Silverij P. M.

20 vj. Aeschili Ep. Mart. dupl. (fuit 12. butiu)
9. lect. & com. S. Mart. CR. In Vesp. com.
sequ.

21 Sabb. Ubaldi Ep. Conf. semid. (fuit 16. Maj)
in hym. mat. CA. Vesp. ut in ordinat.

22 Domin. 3. Dedicat. &c. In Vesp. com. Do-
min. & sequ.

23 ij. Extra Crac. Vigilia, Venantij Mart. semid.
(fuit 18. Maj) 9. lect. & com. Vigil. Due Miss.
CR. & Viol. Vesp. de sequ. (sine comm.)

J U L I U S.

6 Domin. 5. in. 5. post Pent. Octava SS. Apost. In
Vesp. com. 1. com. Dom. & sequ.

7 Crac. Vena. Venantij Mart. semid. (fuit 18. Maj)
CR. Vesp. à Cap. à Cap. de sequ. com. prae. Extra
Crac. Mariae Mariae Magd. de Paz. Virg. semid. (fuit
21. Maj) CA. Vesp. ut supra.

14 Crac. Mariae Mariae Magd. de Paz. Virg. semid.
(fuit 25. Maj) CA. Vesp. à Cap. de sequ.

SS. Mart.